孟

粦B

堂

文

鈔

君二思先生稱後進同官 大年不獲親矣其先輝 幸後長 **豬論心您** 廷生也既送棺時先生已登 七人先生獨以經史 四海內推文 默者必回 祖之而未窥其全集

阁諸公辨論史志仇不 堂文鈔示予清為厚日 乃得盡读先生之文見 宜監司瀕

怪寺る 言者於豈徒以聲悦遊緣之河為 活其他旌洲阐幽之作皆微實可尤具知人编世之識可為作史者 乎若决江河而東注也惠帝論言 送則先生之學其不愧古之立 既易储谕辩忠肃之不谏 厚鳥能齊了泪了流

節馆沒進大興未珪謹序 乾隆五十九年五月初八日芒 孟鄉堂文鈔不序 諸君繼起不乏而近時耳熟而心儀尤在農先先生 序之矣而孟鄰堂文則數十年來未得一讀耿耿至 與蔣東委先生兩家之作讀孟居文旣於乾隆戊申 地官之屬以掌貨財為職幾於無地不賦無物不貢 今今春先生曾孫通守鹤生面其全帙從浙中寄示 無人不征疑出於文種李悝吳起申不害之徒故王 雅不好周禮以為國家之病莫甚於好貨是書天官 於經史深也先生於易詩書春秋三體多所讓述而 且索弁言因留案頭詳爲醬勘然後歎先生之學之 吾郡之以古文名者自唐襄文後如邵子湘董文友

明祖於年盛諸王分之以茅土命之以節制賜之以 **貫丳其論惠帝也謂燕王之反與漢七國類而不類** 南論周禮往復十餘書不倦於史則有明一代尤爲 **莽用之而** 然中官出使暴橫因帝懲之遂密戴燕王許爲 明之世親王有事祇遣內官則內官逮燕王同謀亦 衛士給之以甲兵及其旣崩人人有帝制自爲之意 非惠帝之過也太宗實錄言帝倚信閹豎說非無自 則靖難之師咎不在惠帝并不必罪燕王直洪武中 練軍將兵之制誤之又皇親國戚法司毋得擅逮終 敗王安石用之而再敗當與齊侍即 とはおどとして少している。 請和則徒博迎復之虛名必受議和之實觸又謂林 肅之忠過於吕卻若景帝如王直言卑辭厚禮遣 飾之辭其論英宗景帝也謂景帝英明非比子圉忠 內官多誅死唯得罪於帝者留則誅死內官必皆不 威柄旣遷不可復收馴至於亡而後已况文皇淸官 忠於已也益加委任子孫奉爲成憲雖偶有誅譴 聰盛
泉將
言朝賀
事葉
盛云
今上
孝友上
皇盛
德 **貳心者又謂帝文武諸臣未可輕議實錄多史臣** 促其引兵南下宦官之横洪武時已然特明祖法嚴 而能斷故不敢甚肆惠帝寬斯禍結不解燕王以其 加

盛言豈有奪門之禍於奪門則以祝允明蘇材小纂 帝皆漢景子尙弱情廢立矧懷獻為景帝子憲宗為 忠肅不知人主骨肉之間豈臣子能預從諫如漢高 為謬而深辨錮南官之誣至於易儲之說世多深咎 宫帖然安靜若益以言恐涉衆易疑無中生有若從 正然当つ金 景帝兄子平忠肅雖號得君所言亦有不盡從者况 子爲之傳數爭亦不聽惠帝趙王皆漢高子臨江武 計沮之耳漢景廢惡太子為臨江王寶嬰以太后從 東宫之廢立乎其不為苟同而論務持平如此自餘 而欲廢惠帝立趙王大臣諫諍不能得留侯亦僅

諸文必皆準乎事理然後立言可以信今而傳後葢 必己出蔣氏雖治孟子但取其法度周密先生治經 邵董規仿古人或未盡離窠日先生則空所依傍辭 并采其畧著於篇通守其速昇剞劂以竟前人未竟 懷玉不敏老而且病幸能卒業是編遂不辭爲之序 則必究其是非得失豈不卓然為吾郡之文之冠哉 乙志且使學者勿漫讀經史而遽思操管也嘉慶 三年九月同里後學趙懐玉力疾拜序 - / 圖/ - -

			\$		孟潾
			1 .		孟鄉堂文多
	•	<u> </u>		,	序
					e de la companya de l
					.

孟鄰堂文鈔目次	自次		
武進楊	椿農先氏著	曾孫魯生校字	
卷之一			
奉			į
旨恭擬雍正			
寶座鉛			
奉			
旨恭擬			
聖諭廣訓重	聖諭廣訓重農桑以足衣食		
南巡雅			·
孟郷堂文鈔、目次	不 目 次		

•

平青海邪	
耤田碩	
計學項	
七政同宫碩	,
河清頌	
皇太后六旬萬壽碩	
天保九如頸	
途次見開摺子	
經義招子	
卷之二	

成應論二年級	孟鄰堂文鈔《目次	成加論四	戍 孤論二	惠帝論二	惠帝論一	卷之三	重與吳子瑞書	與明史館纂修吳子瑞書	再上綱目館總裁書	上明史館總裁書	上一統志館總裁書	
			成祖論三	成胆論一	惠帝論二			書	與實錄館提調書	鑑綱目館總	上一統志館總	

毛詩考後序	毛詩考序
古文尚書考序	向 書 考 序
周易考後序	周易考序
	卷之五
新舊唐書異同考	南宫 書法論
奪門論	錮南宫論
復儲論	易储論
羣臣朝上皇論	迎復論二
迎復論二	迎復論一
	卷之四

血形管と少りまた	盤庚考一	孔書篇數考	說卦考	卷之六	春秋大事表序	大戴禮考後序	禮記考序	周禮考後序一	周禮考序	春秋考序
	盤庚考二	堯典諸篇異同考	伏書篇數考		春秋輿圖解序	毛詩訂計序	大戴禮考序	儀禮考序	周禮考後序一	春秋考後序

鄭暦沿該	升度維炭話
> 41 - 31 + 1	11日、後年からして
君使臣以禮說	朋自遠來說
克明俊德說	數往知來說
	卷之七
	孔安國書傳辨
漢儒不見古文尚書辨	孔書非壁滅辨
伏書非口授辨.	儒林傳經文非伏書辨
讀孝經	遺論部
讀書	武成考
泰誓考	盤庚考二
	「日本が一体」「「大生」」

三江流
文侯之命論
三詩論
王及十一國詩論
秦無衣詩論二
崧高詩論一
商頌論一

商頭論二	删詩論。
四始六義論	詩皆入樂論
卷之九	
與齊次風論周禮書一	與齊次風論周禮書
與齊次風論周禮書三	與齊次風論周禮書四
與齊次風論周禮書五	與齊次風論周禮書一
與齊次風論周禮書七	與齊次風論周禮書
與齊次風論周禮書九	與齊次風論周禮書
與齊次風論周禮書十	與齊次風論周禮書
與齊次風論明堂書	與齊次風論越鄉書

答题 是	答蔣東委論春秋書
------	----------

韓氏三節母傳 賀貞女傳 高安朱公六十壽序 湯文正公年譜序 ココラグ リニューノイン 胡母章孺人五十壽序 永吳公七十壽序 姑范恭人八十壽序 州王翁七十雙壽序 卷之十二 公墓志銘 附蔣東委書賀貞女傳 尚書唐公墓志銘 沈母范孺人 蔣母曹太夫人八 外姑范宜人壽序 **蔚岡劉公七十** 劉氏族譜序 **傅節母傳** 于岸齋八十壽序 一壽序

與唐彥純書 與蔣東委書 祭太子太傅楊文定公文 祭外舅沈學士文 **祭少保楊清端公文 祭太傅鄂文端公文** 正的多文文 沙丁 司欠 **寅母吳太夫 宗揚學士文** 卷之十三 與劉岡陵書 祭姚贊善文 祭趙恭毅公文 與舒殷臣書 寄姑丈曹星客書 祭舒穆魯氏文定公文

附讀河源記書後 楚雄府定邊縣學記 送吳雨臯之任偃師序 **德門壽母墓碑** 送徐編修出使流求序 關西書院碑 工者が上っては、一年コン 保素堂詩集序 蔣東委書後 寧州杜洞詩序 卷之十四 江源記 過断吟序 順德書院殘碑記 送石谷王山人序 送玉泉九峯之軍營序 **菰米山房詩鈔序** 完顏氏家廟碑 河源記 跋趙襄忠公奏疏存稿

孟鄉堂文鈔、目次	會氏像贊二首	方仗傳	藝文考	卹 政考	戶口考	學官表	府官表	學店圖	遍里圖	雲溪草堂圖記
	虎子圖贊	列女傳	忠義傳	兵防考	貢権考	庶官表	縣官表	聖廟圖	山川圖	衛州府志小序

座右箴	杖銘
自題小照	
卷之十五	
楊氏家傳	楊氏內傳
書高祖母家訓後	修撰公遺事記
	族祖父衢州公傳
卷之十六	
伯兄遂根先生墓志銘	仲兄古度先生墓志銘
四弟乘萬墓志銘	六弟日乾墓志銘
五弟汝穫墓志銘	亡室沈淑人墓志銘

孟鄰堂文鈔目										-	
鄰				ļ						1	
堂				İ							
文		! !						:		,	
。對	'a		ļ							2	
					<u> </u>				•		
3					<u> </u> 		:	٠,		 - -	
					1						
			 	'. }						'	
	•	,						'. '		1	
				. ,							
							ŕ				
				·	ļ.						
								ų.			
, , , , <u>, , , , , , , , , , , , , , , </u>		• 1 1						•. •			
				. :							

寶座銘限一百字 聖祖繼天立極蕩蕩巍巍君師之則伊余承序夙夜 兢兢仰惟謨烈昭垂日星孰爾易泄孰遠易忘宏綱 旨恭擬雍正 **局舉衆目曷張民協于中何以制之天休滋至何** 武進楊 椿農先氏著 曾孫魯生校字

宗緒 旨恭擬 重農桑以足衣食限字六百外六百五十內 **書容十有二收食哉惟時箕子陳洪範次三曰農用** 寅畏作所以保我赤子以鑽我 朕聞養民之本在於衣食農桑者衣食所由出也處 聖諭廣訓 聖祖在上四方在下 八政葢未有足衣食而不先重農桑者也周禮, 日萬幾敢逸敢暇尚其勉力

所宜異耳再貢六州俱篚織絲冀梁雍三州無之今 榖其於五 考文王治岐樹牆下以桑匹婦蠶之秦漢之際蔣代 災害田中不得有樹用妨五穀還廬樹桑春將出 桑有宜有不宜也班固食貨志種穀必雜五種以 田畜而事蠶三國時成都錦獨妙魏市於蜀吳亦資 **击** 即 生 文 沙 了 6 一 重 農 舜 以 足 広 食 平且里胥坐於石塾鄉長坐於左塾畢出然後歸 亦如之冬民旣入婦人同巷相從夜績女工 辨五物而施其教職方氏掌天下之圖紀九州之 則知三 一州無篚葢雍梁有織皮冀州不用貢耳 |種尤詳是薄海內外無不可耕之

或受之寒華覈云吏士之家子女多者三四少者 未有不足者矣鼂銷云八情一日不再食則飢終歲 農盡明高允之言則其耕必力而農可以 東則十萬束矣高允云方一里為田三頃七十畝 不製衣則寒賈誼口一夫不耕或受之飢一女不 四十五日必相從者所以省費而同巧拙四十五 方百里損益之率為粟二百二十二萬斛使天下之 則田三萬七千頃勤之畝益三升不勤畝損三 通令戶有一女十萬戶則十萬八人縱績一歲一 月中又得夜半為十五日也其重如此其衣

皇考留心民事 者盡明華覈之言則其織必勤而女可以有餘帛農 皇考聖祖仁皇帝之日人見我 聖諭不敢不遵民依不可不急是用特為詮解文 甚至朕承丕緒夙夜乾乾仰惟 有餘粟女有餘帛叉安有飢寒之患如鼂買所處者 ・ こうでは、 こうでは、 できない 変更を入足 文 名のからない これのなか のないにないのかのかの 諭諄諄常刊耕織圖頒行中外所以敦本阜民 古所無後世始得之者此又可備農桑之用廣衣 朕聞耐旱之稻出自占城木棉之種來於天竺 源者也朕侍

南巡雅 符命太師陳詩以觀民風 E 國子監生也世受 活為其 國恩末由報稱茲當 臣椿頓首頓首上言伏惟 **曾稽北過瀚海今復相度何工五臨吳會葢自詩書** 皇帝陛下卽位四十四年東巡烏喇西幸甘寧南至 載處周以來婚川翁河之盛未有勤於 下者矣臣謹按虞書教胄子詩言志禮記天子巡 凡爾間間其敬聽之毋忽

孟都堂文学不卷上南巡雕 帝謂公卿及爾庶士無擾我氓我氓我子戒其卒曹 陛下功德臣 僅于心其敢子于釋 稽首以獻 揣固陋為 顯切亦足當夏時 春風融融春水溶溶 星于時邁以乘六龍豈不好自逸日田功是卽夙夜 南巡雅十章雖辭義淺薄不敢附詩人之後然情事 我 爾寮以長 我 稷黍以安 我 機 杼 誠不才筆墨之 遊 豫之諺烏爾 臣椿謹拜 事縮亦皆有志爲謹文 叫

安矣以忘厥先憴憴業業庶無有後艱 **瞻彼飛鴻亦集于澤昔爾播遷** 心式獎 護孔彰日 、既寧矣 敷下 泚其直 東作穣 疏 而疏 如駛河水洋洋其流孔長 穰

君之來疇不懷哉 **萋萋草萌凡有蠕動無不效情** ,亦有言終南紀堂以彼列辟尚詠于章亹亹 藹其語以惠下民民之見之如處斯 子覆育照嫗不矜其容有藹其語 既水止民心載喜 一音作此雅詩以比 **匡迺憩于揚金** 日用飲食先此九州御干 衝吟 春喈喈鳥

率從元年夏六月青海羅卜藏丹金與其黨阿立 マースター・ こうしんか こうしょう 皇帝旨引兵出塞丙寅至柴打木俘舟金母及逆 皇帝遣侍郎常壽前往諭之將軍岳鍾琪軍西寧 班 皇帝嗣無疆大厯服為億兆生民主四方萬 俟冬十 吹喇克納木齊等逆命西陲 「

遁青海

遂平

三月

乙

亥朔

鍾

現

班

那

越

五

田

已 敗之降其泉數百萬明年春二月壬子鍾琪奉 下萬餘 臣聞之詩出車美西伐也四章曰昔我往矣黍 人盡獲其車輜畜產丹金從五六人和 月丹金犯我南北川又犯我鎮寧堡我 國罔

皇帝不十五日夢平青海用武之神視古殆百過之 皇謂帥臣汝師于邊式和爾軍以徠遠人 **祉右之左之無不共者** 皇惠兹西海命將徂征桓桓其族爰造五 平青海雅人 誠宜播諸聲詩丕顯無前之偉烈 臣椿不自揆恭 **稷方華今我來思雨雪載塗夫黍華而往雨雪** 八向歌之以為盛事今我 滔滔我撫我 八章謹拜手稽首以獻

皇之 烏蘭之西噶斯之北是巢是窟是傾是 **凡寧執維賊遠遁逃潛踪域城再為厄寧** 師武之 弓旣爨只彼昬卒狂奮其鴟張輕蹈我疆 ||德彰只我武孔揚青海花花我 一降既多或該或歌攜厥看者稱頁娑娑煦之育之 子輯之百萬之衆 鄉里文針一卷 子是疆乃震乃懾乃伐乃克我敵則劉我降伊釋 德 力師武之力惟 二月之朔自我出師月哉生 一朝納之 寧 路同惡磔 謂

精田頌 天子攸嘉 我功聿多我功旣多 皇帝耕於耤田用四推之禮是日也天地和同風淸 雍正二年二月癸亥 廟慶我太平 大子嘉只日 日明王公卿士百吏庶氓愈日休哉我 仁考貽只予 4考所 貽 人是綏乃曾乃賞乃告厥成薦諸郊

月初吉 盛典也臣謹按古太平之時天子親耕以勸農業其 一旦大学に一次全国 皇念民依是勤是恤乃擇元辰稅于郊所用牲于 皇受命撫兹九有煦育羣生民恬物阜歲在執徐一 我 臣述而歌之周頌載芟之篇是也臣職在侍從敬撰 皇躬執耒耜以先天下復度越往古加三推爲四甚 靈祗承宇八音旣諧三獻旣虔 田詩 一務本重農誠敬仁孝之至意詩日 章以道我 壇

皇克行之三農九穀 皇躬循隴畝亦有令辟 皇克生之 皇秉厥耒卒時干耦四返四推葢未嘗有在昔腎 糾笠從只應律禾詞鋗玉鳴只 陳詩左右未若我 皇旣至只山龍玉佩京尹進 皇忱旣格憩于耤田厥田 有菽有稷 |推未已曠古鉅典 **墩旋止未若我** 鞭司農奉

皇殫仁 詣學頌 皇萬年與天無極永保斯民久久無 在位二 親臨聽馬旣講進諸生而輸之 /瑞之徵願 **殫誠敬以教百姓** 酒司業坐講大學向書於舜倫堂 椿伏思詩大雅文王有聲日鎬京辟雕自西自 孝致于郊 一年三月乙亥朔親詣太學行釋奠之 無思 廟 雨暘時若庶 列道 術崇化源

服 詔有司大昕鼓徵乃莅于阼乃登于堂乃吹乃萬 皇在位二 我 ことではこれとしているとの。指字項が ·歸服而淮夷威化皆修泮宫之所致也今 乃將乃進諸生立于階下論道 屬相次削平捷書數日之間踵至臣棒謹倣古 矯矯虎臣在泮獻馘明乎在辟癰行禮則四方 醴成太學而西戎羅 聖為萬世師追王五代于禮則宜惟彼儒先 一章拜手稽首以獻 一載之春发 **小藏丹金** 阿拉布坦鄂母 經聽 無識者

皇使之尚靡者退務實者庸去彼浮偽成此淳龎淳 **龎成只風俗同只先哲崇只大道隆只缓有西**我 其德言斂之進之 有崇聖爵以博士侁侁諸庄孔庶孔繁斂厥 呈以之藹藹吉人惟 羽翼祀典無文應秩靡忒載祠其先 (捷音告捷音來告文命誕數文 其遐險敢于予距帥臣將威敗之漠北 稽首導揚 惟

丘形をといった。一七枚同官頭 我 申佑異瑞殊群必有滋至而疊應者馬臣 皇讓弗受賀命告 皇受天景命德沿萬方兹者雍正三年二月已已 海宁昇平上下同心朝野 **离內臣竊聞周易云有大而能謙必豫我** 院敕諭羣臣慎終如始純孝之思至誠之念昭格 政同宫颈 |德盛禮恭不以天瑞自居并云不敢自謙將 翼日庚午日月五星會於營室之次娵訾之宫 體之所致也我

聖皇我 コエスタイニンスコーノムス 謹拜手稽首而爲之 **生穆穆克讓克孝日** 曜之英五行之 翼翼讓德干 一兢兢孰安匪逸惟我 **加所召貽我後人有此嘉祉余 夏我天耐孰瑞** 及爾御事 精於燦其光以 ~類類 此瑞自天 爾慎爾勤 不矜惟我 敢專惠我

蘇勒 日本日と小人で会 河清頌 詩永示無極 聖旭仁皇帝默佑所致朕事天 惟雍正四年冬十二 桃源三千 椿誰 一帝若日天貺朕躬惠以祉福皆 道 嵇 治群臻于符告之 一伏而思之河者四瀆之宗 心以固天寵羣臣踴躍悚惕拜手稽首以 曾筠相繼以閩朝臣進表稱賀 ·餘里間澄清者一月越明年正月河臣齊 一月丙寅黃河自韓城以下 河清頭 載筆文字是職作 如事親尚與爾諸 至 於

皇帝受寵若驚嚴恭寅畏度越古帝王遠甚臣 又錫兹 皇帝天縱之聖主敬存誠有威斯應天眷 書其事為頌詩 皇帝宵旰勵精勤求治理故天降嘉祥不 清聖人之大瑞也 可止教生の五日の今 湛然而清千載 河源星宿其來萬里浩浩黃旒莫知其涘遇大聖 一帝洞察物理細大陳前靡不有紀天錫 殊瑞不以為喜而乃以為懼 水瑩澈激渦揚清宣昭濬哲天眷 一章項日 見為治世後惟我 而足今 敬

聖母太后六旬萬壽中外臣民踴躍歡欣詣 皇帝臨位十有六年海宇昇平 皇帝日容朕心惕然敢曰貞符或怠以般 皇帝萬壽嘉瑞臻兹古未嘗有 皇帝河水波澄六合承流咸化潔清羣臣稽首 聖祖在 月二 太后六旬萬壽碩 一十有五日恭逢 上陟降左右厥臨孔明我實我副惟實之 道同風普施德教南朝西東天錫 彰耀于干齡永永不忘 八民安樂其冬十

頸詩 皇亹亹覆育煦嫗民欲民求是給是與民飽而納 皇誕膺茀滁俾熾俾昌我 禁近今幸隨耆老後際兹盛典不揣固陋謹倣古為 天駇 皇太后受天之酤如月之恆如日之升如南山之 闕朝賀者以萬億計 臣曩備員 コネルコックリー人名 意臣椿誠惟誠忭敬拜手稽首以獻 母篤生我 章以道羣臣百姓齊願我 援而適念之弗釋敛日樂哉我

贊前之事敢不孜孜以承 聖母在官內治雝雝維兹赤子時屋千 親志內自邦畿外訖蠻貊十六年來風敦俗格爰 聖母攸教 皇日俞哉 銅龍問安視膳入奉起居出侍游宴婉容愉色藹 慈壽甲子初周陽春斯又黼黻高張光華雲日 承歡八珍六飲備極旨甘今茲至月欣逢 東矧余

繁祉在昔太任文王之母維德之行邦國斯 聖皇文武以 眉壽無有極 、保九如颈 命某賦之某謹 御極之三年 一微音是嗣有命自天綏以福履惟 莫不畢至歲十 娰合德惟 接天保之詩下報 愛道 我 月館師某先生以天保 地不愛寶諸福之 我 也 物 PJ 如 致

皇帝受天景命郊沚必親宗廟四時之祭必誠必敬 黎百姓徧為爾德葢推仁孝之美明福所由致也 蠲販四方動以數十萬計哀矜庶獄遴選刑官惟恐 景陵感泣悲涕孺慕之忱三年如一日也軫恤民 **桐蒸甞于公先王第五章曰民之質矣日用飲食羣** 於松栢| 一穀誠有如詩所云而某道盛德之形容歸美以 |者亦庶幾詩人之萬| 云爾頌日 ,匹婦不獲其所用能協和神人天休滋至罄宜 可謂盛矣第四章日吉蠲爲饎是用孝享論 関が、「「」これには質

皇克仁惠我黎烝施舍已責任德緩刑天眷 皇仁命之純嘏不傾而平不 旣純矣祉旣繁矣惟此九如自 眷 皇之酤願 皇克孝假于郊廟致敬存誠燰焉色笑我 惟天隆隆厥視孔明惟天高高厥聞 大人之交以通我 繁祉不益而崇不疏而瀰繁祉之攸於 而溥純嘏之攸聚嘏

臣蒙 臣聞樹桑之制詳於孟子七十 恩遺往陝西四 途次見聞摺子 成都等府紡織頗盛第製作華侈非民間日用 皇上言之 訓之時面奉 諭旨途中聞見有關東治民生者直陳無隱臣 竣還京所有見聞敬 þ こことでも見られたとを大意明者子からないとこととなったというに対応なる 州府亦然直隸陝西則紡織甚小 為我 一衣帛著於禮經四 所宜 卽

其利布帛諸葛亮自表成都有桑八百株子弟衣有 用貢耳非桑有宜有不宜也漢崔寔爲五原太守其 魏詩十畝之間桑者閒閒周禮職方氏正北日并 餘饒皆在今陝西四川直隸山西之境卽古冀雍 織絲疑非地土所宜然幽詩蠶月條桑八月載績 州也是 門廣武迎織師教民紡績織紝練縕民得以免寒 不知緝續冬月無衣積細草趴其中寔賣儲峙。 視為急務臣思禹貢九州惟 府舊無梭布明萬厯間廣東老婦教之遂 知禹真三 一州無篚以雍梁有織皮冀州

黃河水勢東西莫定河灘地畝坍漲靡常每有昨本 尚皆如此況再貢九州之域加以有司訓教利自十 成俗夫五原今河外地越老婦至無能耳紡織之盆 為問閥之恆產即不能充州縣之正供臣自山西永 為河而忽焉填淤亦有今方耕種而水至成河不 益之飾不能者官發紡織之具迎善織者爲之師不 敕下直省督撫通行州縣有能紡織者無務華靡無 濟縣渡河至陝西潼關縣聞瀕河地方向因蒲朝爭 二五年民自勤於紡織而布帛可以有餘 プリーニックを見られた。企大見明首子と「Anthony Continue
之民完納不前每多賠累徒有增額之名未獲升科 界避員踏看不論地形高下一總升科今二省並水 之實伏乞 由於下洋太多而愈謂銅有藉於外洋是大不然臣 敕下山陝督撫逐一勘明其實在高地不虞淹沒者 臣見今之議錢法者皆日銅少臣愚以爲銅少之故 照舊升科若低窪之區請將所增糧額永行豁免 錢二十五萬萬少府錢十八萬萬王侯將相氓庶之 考三代以來錢之多莫過於漢史言元狩前都內錢 貫朽而不可校初元永光間都內錢四十萬萬水衡

時海洋未通以中國之銅止供中國之用故也東 農及民間日用之錢尙不在此數中錢之多有 家富至鉅萬干萬或數百萬或數十萬皆錢也大 1176年に入る人と、「金大見間情子」 亦有之然未以乏 祖仁皇帝 有銀數兩 之姦民每將紅銅賣與洋船侯銀旣淨然後復 頃在 海邦漸至中國之 用銅以作兵器以造器皿終不患於乏銅蓋 川有語臣者云四 中國之水不能出銅中之 初未開洋禁民間銅器頗多盜銷 銅為處自洋禁開而銅始患少 銅始少臣聞長老言 川雲南之銅每百 銀惟外洋 私 能 鑄 此 其

中之 與洋船買賣者照硝磺私鹽之律從重治罪則 所以日少銅質之所以日低職此之由臣 中國謂之條銅推之他省所出亦當如是是今日 延每有 查舊例 得下洋鼓鑄自無少銅之患 銅名產於洋而往自中國者實十居七八銅之 沿海督撫嚴諭諸 犯未至配 斬絞 犯罪非常 亦邀 州縣洋船入境敢以紅 請 鉚 重 鉚 私

重者邀 隻身遠徙骨月久離或妻子同行老年鰥獨쑃榮異 恩詔後未有赦宥之條臣 地實可哀矜 臣騙思軍流之 悉赦輕者乃有救與不赦之別軍流中情罪亦各 同有强盗免死發遣者有命案人犯減等發配者 雜犯比例遺謫者若命监二案之正犯中途遇 籍而比例之 在配所自順治 近經數省見軍流人犯或 犯反長繋他郷於情 與斬絞其罪輕重懸 八年八月

罪之 或萬餘里近亦在五六千里外舟車之費跋涉之 旣曠音信罕通甚之佐雜 山西亦或江浙福廣之人 限稽遲曠官不免更有父母在堂子身遠宦晨唇 不待言而且莅任之 見外官自州縣而下有雲貴 輕重詳其年之遠近具奏請 所己經入籍不願還鄉聽其自便外其餘酌 以殊恩量從赦宥 [撫詳查所屬之軍流人犯其有若子 初語言未曉風土未諳又 川廣之人仕於直 川陝其路途相去遠 戦

走你堂文金人卷一經驗問氏 令佐者宋時知縣銓選雖甚遠無過三十驛三十 諸弊叢生 E 伏見唐時掌選官各就注其地之宜爲 民生均為有益 者九百里也今請畧仿其意外官自府及直隸州 除授不計遠近屬府之州縣離家遠者不得過一 百里或五百里之限則地便其人人便其地吏治 里佐雜等官照教諭訓導例就在本省銓補定以 數條皆臣見聞所及是否可採伏乞 一客鑒施行謹

叢脞哉股肱惰哉萬事察哉帝拜日俞往欽哉 載歌曰元首明哉股肱良哉庶事康哉又歌曰元 股肱喜哉元首起哉百工熙哉皐眴拜手稽首屬 經義摺子 念哉率作與事慎乃憲欽哉慶省乃成欽哉 經益稷帝庸作歌日敕天之命惟時惟幾乃歌 功成禮備樂和然頃刻謹畏之不存則怠荒之所 蔡沈日天命無常理亂安危相為倚伏今雖治定 起毫髮幾微之不察則鴯患之 一舜作歌而責難於臣皐問廚 歌而責 所自生不可不 乃廣 首

盛矣宜其恭已無為坐饗昇平之治而作歌之日 天位職為天職功為天功敘典秩禮命德討罪無 公承以大夫師長不惟逸豫惟以亂民故其位為 猶君臣責難祇畏天命有如此葢君者天之宗子 哉大雅日敬天之怒無敢戲豫敬天之渝無敢 君臣之相責難者如此有虞之治兹所以爲不 及也與 臣者宗子之家相也明王奉若天道樹后王 案有虞氏之世地平天成六府三事允治可謂 不本於天周碩日敬之敬之天惟顯思命不

THE PROPERTY OF THE PARTY AND 驅自昔聖君賢相當太平極盛之會九莫不天命 是以身安而國家可保也夫制治保邦之道存 朱子謂豐大也以明而動故能成盛大之勢然至 為兢兢在易豐之彖曰豐亨王假之勿憂宜日中 於未然也周官日制治于未亂保邦于未危繫辭 於過盛則又有憂道爲聖人以徒憂無益故謹 君有以做惕乎臣臣有以啟沃乎君也前代有為 事行事之要本乎心心之敬肆則又在貴難之言 傳日君子安而不忘危存而不忘亡治而不忘 亂

からい かっている でんか 経験間子 志豈尚有時幾之未敕百工惟時撫于五辰庶績 其凝豈尚有未與之事未慎之憲三載考績三 以為賢矣自以為賢其下因莫不同聲賢之賢之 恐人之言言之而不必受受之而亦有難色又其 無關豈易得哉今觀於舜惟幾惟康惟動不應後 於魏徵尚有不平之語而欲其臣之無隱衮職之 **郹順而有福矯之則逆而有禍以唐太宗之英明** 非軱自以為無失自以為已知自以為無失是 甚者或引之於當道報自以為已知或格其心之 言繼則聞人之言悅之而已不必其盡從也久則 老 自

コロ米州 ピョース 全当 / 名 | 一 | 名 | 一 | 名 | | 諸臣言之而不以為迕帝舜受之而不以為非古 **弼直不願其面從於進言者惟論其理之是非不** 難從而拜之即從而俞之葢聖人之於臣惟願其 之責難於臣皐陶以之責難於君舜於皐陶之責 俊乂在官豈尚有叢脞之患情與隳之憂而舜以 無虞無怠無荒夫舜豈教逸欲而好怠荒者哉而 計其解之工拙鑒其心之誠摯不復問其事之有 無阜陶平日之告舜曰無教逸欲有邦益曰儆戒 大臣之愛其君與君之自愛其愼微防患保泰持 陟幽明豈尚有未省之成翕受敷施九德咸事

乾隆二 敕天命也臣道心君臣交敕純乎義理無一毫私欲 君道也二十有二人欽哉惟時亮天功二十二人之 諭旨敕天之命惟時惟幾乃二典三謨之關鍵史臣 呈面奉 紀堯日欽明文思舜日溫恭允塞堯舜之敕天命 口講官起居注翰林院侍講學士 以間之人心之危者於是乎安道心之徽者於是乎 及而君道臣道為千古人倫之至者在是也 盈之至意不得不如此也有虞氏之治所以弗可 THE REPORT OF THE PARTY OF THE 一年四月二十八日 工加四級紀錄二次^E楊椿恭錄

著而惟精惟 敕天命以承君而君之當敕可知皐陶先言元首者 當時舜與皐陶並此敕命之心實出於無心而不自 **欲君之敕天命以帥臣而臣之當敕益可知舜與** 之敬也若云君臣賣難此不足以盡聖君賢相之量 **唐虞之盛所以致時雍風動之休者無非本乎敕天** 以治四方風動而君臣敕命之心不遑自逸故寓做 陶容做 協中之治俱莫不在是矣舜先言股肱者欲臣之 懼於歌詠之中史臣繫之二典三謨之末以著 堂非有未熙之績未釐之工也其時從欲 在是允執厥中亦在是知人安民 時

		goldens (den Go	l		AND THE PROPERTY OF		見其
色とい							為救命
							又況
ではいっとくいく。 一經 を指子	i.		:				見其為敕命又況有責難之意哉
							之意哉
1111 1.							
						•	
	apanaksa			Oder progression			1

, marine	Aberton Medical	Charles of the Co.	r vojenska propinska i i		- Market			<u>Polymoresiniasissi</u>	
孟鄰堂文鈔卷之一	1]				Į .	
معطد			F E					1	
孤			į			l			
sie.			[> 1			
囝									
		ļ				•		•	
又		1	}	ļ		Ì			ŀ
201		i		,		}	l	1	ſ
電影		}	ł			i	ļ		
11.		1]	_		ļ		1	
不	ļ		l	ļ		Ì	1	l	
正								l	
		:					l		i
-				}		} -		ľ	
		[1	ł	i		1		Į.
	ļ	1	1	Į			:		į
	!		ľ	İ				ļ	ì
			ľ						1
	ŀ			İ		j	•		ĺ
	ļ			1		ŀ			
							1	ļ	
	ļ			1	ĺ		1		
	1.	1	ľ	1		İ		}	1
į	Ĺ	ļ	· .	Į	į		i	 .	
ŧ	ľ		Ì		[ŀ		1
		•	i	i		<u> </u>		i	i
			ļi.						
	ľ		1			ł		1	
	ŀ				f	[-	1	1	
:	ŀ	•			ļ.	[}	}	
	1	1 .			1	!		,	
}	1]			1				
	1	1						1	
] ,					.		1		
ŀ		1					!		
ľ	1	1		ĺ			Į.]	Ι΄.
1	1	1].		,	1	{		
, ,		1			1	1		!	
1		J .	1 .	i .	1	I .	I	1	ı

S.

椿聞昔之言地理者讀書少則考核必疏讀書多則 從而優異之且咸且愧敢不竭其愚以佐閣下萬 要何如令椿 承閣下問館中舊時志稿徐本太繁韓本太簡何者 孟鄰堂文鈔卷之二 優建置沿革 如何志近時地理之書孰勝無錫顒祖再方輿紀 武進楊 統志館總裁書 郡縣迭更地名改易鄉都分裂陵谷變 - 1 m/ ... 楮農先氏著 山川形勢關隘古蹟名宦人物土 陳之椿憍陋俊薄閣下忘其不 上一九坛里鹿皮苗 曾孫曆生校字

京城西之北門彰義門者金時故門在京城外上 亦三景泰元年敕屢以彰義西直並言葢西直門者 數千年以前者乎方輿紀要視他書該博於明代事 寧門內故俗名廣寧門為彰義門以此紀要云西直 以本朝之人志本朝之地尙多乖舛况其在數百年 石亨敗也先於此實錄敗瓦刺別將於彰義門者高 門舊名彰義門是合京城內外兩門為一門矣又云 四年冬也先入冦實錄言西直門者三言彰義門者 **尤悉然亦不能無誤頃取其志直隷者觀之正統十** 西南嘉靖三十二年秋築南面重城包彰義門於廣

禮毛福壽與五刺別將戰於西直門者孫鐵亨則僅 貴等逐瓦刺兵於金山金山在西直門外距西山 敗也先於德勝門分兵援孫鐘於西直門又自率許 者楊俊非石亭擊之之地居庸關非清風店也亭於 荆關戊午至德勝門壬戌宵遁癸亥出居庸關楊俊 躡敗之於此實錄正統十四年十月辛亥也先入紫 云清風店在定州北五十里也先薄都城遁去石亨 里而近安得言亨自敗也先於彰義西直兩門也又 率官兵八百追擊之奪其所掠八畜而還則追也先 八月丙寅為右都督掌後軍都督府管大營操練干 ことには、「人」というというとは、大き自身大きない。これには、「人」というというというという。

請於景帝景帝又何從下去塞二百里外收放詔乎 於去塞二百里外牧放詔從之是景泰前大寧雖廢 塞居住且乞大寧廢城于肅愍持不可陳懋等請令 先於靑風店平又云鄭曉云永樂初以大寧地盡界 月丙戌出巡大同中間並未離京一日安得躡敗也 申充總兵官十月戊午同于肅愍整理軍務明年二 其他此數不可勝數椿往在明史館見徐公所撰地 理志建置沿革亦繁請於總裁朱公曰志寫明史之 三衛尚未居近塞汎塞內地乎若如云云三衛何必 兀良哈實錄景泰五年六月辛丑泰寧等三衛請附

關於 前代事見於古書者仿元和郡縣圖志僅書其大 院八旗檔案外考之史冊及府州縣所咨送下逮名 志宜紀明一 在古名不可考者不必過為探索川流原委如渭於 華陰縣東人河洛於汜水縣滿家溝入河旣敘之 渭俗復宜敘之於大何諸水入渭格者亦然一府 人文集傳記詳而不冗簡而不漏寫宜山川志其 いるという。「一人」というなより大変な複数をなっているというというない。 統志雖與史志不同然奉 縣之水雖非渭洛可比然於府州縣中號為 本朝者內則稽之實錄起居住方畧會典部 代之事宋元前可不必朱公深以爲 敕為 本朝作

異名或數縣同一山名而實非 於海或自入於大河某處仍與經流同入於海或 故城為現設之縣舊治所在廢縣則舊設之縣今**日** 屯守毋容述之過多佐貳分防及巡檢所轄皆今之 形方地勢今古或殊關隘院塞止紀大者前代戰 連跨數府州縣各紀其方之東西南北一山而隨 之水之下大水支流宜詳某處分某處合某處自 流者仿此小水不宜疊見則以所入之水葉於受 入於大河遷徙不常者歴敘其遷徙之地山之大者 要地寧詳毋畧古蹟類多附會惟實有其地者量錄 山者當分晰書之 同 納

實有功於民者亦書平日雖有名然於所治無益者 廢者皆不可不載園亭樓館臺樹陂池昔八遊玩之 丘が全文心でを上上、枕志館や表書の 給名宜著其改績尤異者素行中平且不能無議然 削之為是土產則民生日用之不可少者宜書珍奇 代正史所無僅見明一統志者尤不可去抑椿更有 然論士日抑亦可以爲次矣況今名宦人物乎其前 毋求之太備葢孔子之論成人日今之成人者何必 怪異可喜可愕乍有乍無之物書之則他日將何 所紀之不勝其紀剛之無或可刪且基址難考似悉 不必人物書其全行或節其一端必皆實實可紀然

昨者上書記室閣下不以爲非遠採納之復以李 志之爲當矣芻薨之見未能 多事韓本刪之為是者是禹貢職方不若天順 ころう アーライン 史官聚訟爲名八所譏今聞有以徐本戶口田賦 請焉志之戶口職方氏之五男二女田賦禹貢之厥 懷納善咨諏咨度之盛心用敢再罄所知以對也先 吉石將軍戰場歌鄭室甫石亨傳下詢此誠閣下 **遁未經定州石亨敗敵未嘗躡擊椿前書已悉** 再上一 一上錯厥田惟中中也明天順間纂修一統 一統志館總裁書 得伏惟鑒察椿再

為傳二 矣獻吉詩所以作者實錄十四年十二 過時已六十年父老喜談往事震石氏父子威名 父子英雄古來少因彪而及亨耳正統已已至獻吉 清風店北獻吉詩云清風店南逢父老告我已已年 免過於誇詡獻吉與會所至作為詩歌窒甫增飾 事店北猶存古戰場葢指此石將軍即彪也又云 一段事石彪剿殺五刺餘冠於定州某村某村在 月乙卯也先未薄都城亭已與于肅愍公同守德 不知剿殺者餘短非也先殺之者石彪非石亨 一百年來李詩鄭史流播人問無不侈爲美談 一月戊申署 也 都

追敵三 勝門其餘八門俱各有守守安定門者陶瑾敵未 召還京未召之前彪未在京一日又安得如鄭傳 彪從亨戰城西亨令彪誘敵南至彰義門敗之日夜 至安得 月丙戌彪奉詔守雁門關十月庚申命至涿州 一一月已卯又命於眞定保定搜賊十二月丙寅 如鄭傳云亨統兵出安定門遇敵 日至清風店北也彪之事見是年實錄者 雁門殺賊功陞指揮同知十 城功陞署都 指揮僉事 即戦 月癸巳 也 殺 販

史不詳加考覈言之無徵視李詩為甚及其著今言 敞至亨始出安定門亦非日夜追敵大戰淸風店 則又云石亨欲盡閉九門以待勤王之師于肅愍 之未解者否則其戰甚小不志之亦可惟閣下裁 以其襲譌承譌志之云清風店北某村石彪剿 刺餘冠於此李夢陽為作石將軍戰場歌以曉 敵所餌敵始遁去者矣室甫言自相矛盾如此 詩不計事之有無大小葢詩人常態窒甫作 同亨出營德勝門外與敵對壘敵被砲擊死者 人大沮退亨奮欲躡擊肅愍力爭縱令北去則 いいたというできたりときますることもないというというと 闍

三の対は三文金三人名 所知也前月提調吳君奉閣下諭傳椿等至關閣 椿頓首再白 盛氣南面立常熟蔣公提調吳君左右侍椿等北 **如其意以去以故頌閣下者十人** 閣 借館事造貴人之門亦未敢甘言相媚閣下 因 論議為椿等罪其意似又專罪椿者椿時欲 平日言語嘔嘔未嘗以聲色加人人有謁者 下敷姚跳躍言若不能了了大約以纂書不 閣下怒未敢今既數月矣閣下怒自少 明史館總裁書 而九椿性鈍拙 陳

恩濫厠明史館纂修其時同進館者二十三人人各 君皆不答又往請副總裁吳公例目吳公亦不應第 冬間下與朱公諭椿與汪君協力成之椿辭不允歸 分書數卷未幾他任四出留館者數人而已丁未仲 **哂之而已後聞吳公語人關下專委汪君汪君事** 為據椿遂不敢復言戊申正月吳君至館與汪君 閣 卷進呈因三至汪君寓商之又館中言者四五 子瑞吳君肩之前日所云假借楊某之辭耳烏 下陳之椿才識淺劣癸卯秋蒙 日既思明史已有成稿開館五年尚未

椿立草嘉隆萬三朝屬襲参胡君十二 進椿之九朝列傳五十卷已清膽校畢會吳公龍 **妲諸王洪建天崇列傳皆二君自為分旣定椿回** 任其事因提調吳君言以永樂至正德九朝列傳 意入椿之室未有一日不見椿不在書案亦未有 夜而息專心致志惟史事為務提調吳君屢出椿不 **聚輯旣無友朋來往又不嫺米鹽瑣計辨色而起子** 日椿在書案不繙閱明史者也七月中汪吳本紀未 任汪君聞計將歸閱下奏請奪情起復冬春 無暇親閱提調吳君暫輟未送而 朝本紀及

討論 とはいったとう。今上上明史館機裁書 花無 **眞偽必致混淆椿嘗伏讀 錄洪永兩朝語多忌諱其事畧而不詳洪宣而後史** 也請為閣下言其故明代國史未修所存者祗有實 館議論椿誠有之然此乃汪君未歸時事非近日 書交館則已逾十月矣胡君所分봻歸未就椿畧為 官好惡常頗不得不採之於稗史稗史中傳信紀實 云何故未敢輕繳 固有剿聞剽見私 根據者亦不少若遠以為憑則是非必將頭 因非已受分懼其攙越且前書未發不知釣意 而椿則未嘗一 騁胸臆覽之若瑰奇可喜考之 日有不勤也至在 事

時有一 以筆或以口二君從者十二三不從者十七八其後 聖祖仁皇帝諭旨作史之道務在秉公持平不應膠 不復見示樁亦無由置喙矣昌黎韓子云與人商 个能下氣或似有之東坡蘇氏

云妄論是非機說 而畏後世不重文章而重良心大哉王言敢不 私 天戏乎椿之在館不得不相論議者此也其間 可不採是非不可不明人心不可不服朕不畏 見為 失當則咎將歸朕又云明史不可不成公論 偏之論又云編纂雖史官事然當朕之 人習氣譬之候蟲時鳥自鳴自 或 澟

使不言也閣下受 聖訓成一 命總裁於兹八年謂宜恪遵 下今但當問所論之是非不 此鲰生下士所爲非所望於賢宰相也至乃索垢尋 國恩而樹令名者庶其在此若偏徇私言杜絕衆論 **瑕舞文弄筆好新喜異羅織陳人於舊本恕辭者** 一舊本深文者甚之更或杂空捏影自作聰明日 とはこととなる。これでは、これのでは、 當然必此必須有也定賢愚於俄頃任 糾繆閣下報 代信史前不誣已往之明良後不致將 小當問論與 此

勝分纂之任閣下乃以協修見委辭之不克悚怵愈 恩召復備員史館自惟年齒日增學殖荒落大懼 罪責靡似椿惶恐再拜 是非已定館中雖有實錄及名人撰述無庸再為 。恐非閣下所宜出亦恐非閣下所樂聞旨 竊有所懷不敢不爲閣下告者閣下云明史已成 當據本紀爲綱志傳爲目掇拾成之足矣椿 明鑑綱目館總裁書

孟游堂文金八卷二上明明 宜江陵宜與事各五百餘頁魏忠賢事千有餘頁每 餘本密行細字每本多則四十餘紙少則二十餘紙 雍正元年秋 事見某人傳記第幾卷雖繁不以爲嫌尙書華亭王 潘君稼堂承修食貨自洪武朝至萬歷朝共抄六十 馬溫公修資治通鑑法就館中羣書先立草卷於時 公因之明史遂成第所擇倘或未精毀譽倘或未當 同事諸君大率類此先人在館十有餘年椿獲見分 崑山葉公丹徒張公以纂修官朱君竹垞等議用 志傳成總裁必命註某事出某朝實錄第幾年某

立草卷亦宜將現存之書參訂明史何事為眞何事 一特命重修舊時草卷不可復得館中所有惟累朝實 或點竄字句未能將現存之書與王公史稿細加討 爲僞闕者補之譌者正之若竟如閣下所云是, 旨修明鑑綱目鑑之體與史不類縱不能如往時重 論且或改調王稿者有之今奉 一錄及名人傳記而傳記亦十不存一二名為重修閣 節補級之明史何以謂鑑何以謂綱目乎椿寫料閣 **小所委者僅於紀傳後綴以贊辭及以意更其目次** 意得毋慮補闕正譌之後鑑與史或將有異同乎 刪

節告左丞相胡惟庸御史大夫陳寧謀反帝賜惟 請暑舉一二為閣下言之明太祖實錄御史中丞涂 年司馬公修資治通鑑歐陽公向在也今試取二書 寧自盡而不直書謀反亦不書伏誅以惟庸寧謀反 閣下慮鑑之不合於史而亦知史之自相異同者乎 **聞二公以此相嫌亦未聞後人以此優劣二公也且** 觀之有迥異者有大同小異者亦有大異小同者未 宋嘉祐五年唐書成於歐陽宋二公後七年治平四 未真也明史本紀則云左丞相胡惟庸謀反及其黨

界三衛則書大寧事者從志乎從紀傳乎宜宗實錄 樂元年三月以大寧地界兀良昤三衛傳成雅旣定 彼則書惟庸寧事者從紀乎從傳乎景帝實錄景泰 宣德二年十月交阯黎利偽為陳暠表請封十 天下徙寧王南昌北平行都司於保定盡割大寧地 四年六月泰寧等三衛乞居大寧廢城不許令去塞 夫姦臣與叛逆不同傳之所書如此本紀所書又 一百里外收放明史地理志因之成祖本紀則云示 |侍郎李琦撫諭交阯命頭目耆老具陳氏見有子 如

子孫已絕六年六月始命利權署安南國事並未立 卒帝復敕利徧訪陳氏子孫利復三遣使堅言陳氏 云宣德二年十一月遺李琦立陳暠爲安南國王 陳暠爲安南國王也明史安南傳因之宣宗本紀則 昨者上書記室未蒙鈞示閤下語人云明史數修旣 盾事之譌舛字之差脫不可枚舉承閣下命將何折 書安南事者從紀乎從傳乎其他紀表志傳互相孑 詳且慎今為明鑑何得尙有紛更聞之曷勝悚懼 中為可伏惟明示椿恐懼再拜 にくいった。一年上綱月館総裁督 再上明鑑綱目館總裁書 則

學鴻儒睢州湯文正公等五十人入翰林與右庶子 帙而天啟四年實錄遂爲竊去後下 以明史異同之故陳之左右可乎明史之初修也 **韶求之終不可得康熙四年史館復開以** 國書譯明實錄未數十卷會修 命內閣學士崑山徐公為監修翰林院掌院學士 I葉文敏公右庶子丹徒張文貞公為總裁廣徵博 二加章皇帝實錄遂罷十八年從給事中張鵬請 一年時大學士馮銓爲總裁仿通鑑體僅成

實錄疏漏脫晷不得已采之稗史而稗史惟王充美歷十二年而史稿粗就凡四百一十六卷先是以明 紀徐公嘉炎為惠帝本紀朱君舜尊為成祖本紀徐 疆場兵戎識之者又人各為說以故其書鋏而不全 狀譌謬尤多萬厯後典章制度哀輯無聞朝堂水 **甫吾學編舛譌已不可盡信其他雜紀小說郡書家** 賊士司外國傳其餘各有所分監修徐公發凡起例 志汪君琬爲后妃諸王開國功臣傳毛君奇齡爲流 公乾學為地理志潘君耒為食貨志尤君侗為藝文 史料爲勝然時止於正嘉事未盡稽乎實錄而鄭室

忠端公時畧忠端之子黎洲續時畧時畧者嘉隆時 於家以史事委之萬君熟明朝典故其家有餘姚黃 事及諸臣奏疏續時畧者萬泰天崇時事奏疏也萬 監修張公以眷為總裁任修志書陳公任修本紀王 君以二書爲主先修嘉靖後傳而正之以實錄參 公任修列傳王公延鄞縣萬君斯同吾邑錢君名世 總裁而張文貞公與原任大學士孝感熊文端公爲 徐公歸以舊大學士仍領史局未幾薨三十三年召 では、100mmのでは、100mmでは、 左都御史華亭王公於家與尚書澤州陳文貞公為 一稿雖就而未敢以進也二十九年夏監修

ことできていると、これでは、日本の自己の自己の表情がある。 傳集書盈尺者四五或八九不止與錢君商榷孰 諸傳尤善宏正前徐稿考校旣疎乖錯尤甚萬君 取商旣定錢君以文筆出之故其辭達其事明有遠 於諸公猶以徐稿進呈 出唐宋二史上者而熊廷弼袁崇焕李自成張獻忠 是孰為非熟宜從熟不宜從熟可取一 一公以戶部尚書解任歸矣四十 沒其時之後先未及畢而錢君入直南書房萬君 (傳記椿時年二十餘嘗屢至其館中見萬君作 信惟憑實錄及稗史之可從者辨其人之忠佞 年冬熊公來商 一熟槩不

六月進呈共三百零十卷卽此史館所貯王公奉 改徐公本紀不浹旬而十六朝本紀悉具雍正元年 稿合者分之分者合之無者增之有者去之錢君俱 卿惟諸王表與之同六十一年冬王公閒居在京 功臣戚臣宦幸而改大臣上為宰輔大臣中下為上 河渠食貨藝文地理删嵌之其他俱仍其舊表則去 再錢稿頗吳五十三年春進呈五十四年春復召時 兩交貞已去世紀志表俱未有王公乃取徐公舊志 **詳計其故於目下王公歸重加編次其分合有無視** 上覽之不悅命交內閣細看始萬君在時於徐公傳

異同 前之傳不如嘉靖以後此其大較也最可議者王公 敕編撰本是也葢其書紀表不如志志不如傳宏 史若云明史已成何得尚有粉更則以萬傳調事 先論明史之是非校明史之同異然後可取材於 織爲工而名臣事蹟則妄加刪抹往往有并其姓名 重編時館客某刻薄無知於有明黨案及公卿被 者不考其人之始終不問其事之眞僞深文巧詆 正明生でむった。上海上は自門城林道 著 重修未遑是正格前書已言之矣今欲為明鑑 者葢是非毀譽尚不足憑不特紀志表傳自 已也雍正元年秋奉

爲敢言史又有云閣下盛指不可違將惟命是 國恩 搜閣下怒可也又有云史事重大某固知毁武畫 者云某奚知閣下憐其貧界之館職俾得所欲而 重有愧哉椿學識弇陋於史事何能爲役聞之 有無眞偽何由而明人之忠佞賢愚何由而定豈 召而來敢不竭椿之才少報 閣 不稍涉筆柰素餐何若是者皆椿所恥也故再 於萬 下閣下以為然椿奉 力所能為不敢冒居館 即不以爲然椿亦當自奮盡其職所當 竊修史之名食奉 從 同

昨在館足下以 恐再拜 利 史事欲徵 國 本朝故實冀 者 魯王以海傳順治三年六月丙子朔夏旱有浴 初錢塘江湖不至在何年月日為問知足下留心 **紅筆為私書如昔賢所譏也伏惟閣下垂察椿** 維傳三年六月丙子朔江潮連不至大兵騎馬 |大兵以馬試之水不及腹遂令數十騎為前 與實錄館提調書 得於芻蕘也僕往見康熙間明史舊 於

-14

與府志順治丙戌五月二十七日夜明方國安拔 知水淺可涉因令騎兵隨其後五日而浙東大定 漢馬步兵十餘萬渡江葢錢塘之險全在潮 徑渡僕又見康熙間各府州縣所上志書寫本仁 丙戌夏大軍營於江岸有荷鹽過江者哨兵執訊 江狹水淺二十九日五鼓卒至西興鐵塘縣志順 一紹興二十八日諸營悉潰六月初一 二江流 遂命以為前導五月二十八至三十日皆大 順治三年五月二十八日大兵從七條沙暗渡 失險荷鹽及浴於江者徒步往來大兵適 日貝勒率 沙潮 和 紹 汐 滿

渡江之期六月初一日大兵入紹與之日也史稿志 報六月二十二日征南大將軍貝勒博洛奏五月二 書稿紀之互有詳畧耳僕又記幼時見順治三年邸 珍之江潮不至葢非 馬可渡江之故耳今以仁和錢塘二縣志紹與府志 之水不及腹是也貝勒奏特未詳渡江月日并未言 里艤舟江上以待令固山額眞土賴等馬渡上流分 上流可以馬渡即明史稿夏旱潮不至大兵以馬試 兵往擊遂定江東所謂上流即仁和縣志之七條沙 十日大軍抵杭州敵兵營於錢塘江東岸綿亙二百 一日其在順治三年五六月間

數日江潮不至潞王驁為神助開門出降夫潞王 三百<u>大</u> 國 無疑足下叉云或言順治二年六月我軍至杭州 邸報我兵至杭敵分兩路迎戰我兵大敗之是**夜** 如或言明兵逃竄未降數日間潞王又誰與守此孤 兵悉渡錢塘江逃竄潞王勢迫遂率衆開門納款未 言蹤王不降亦未言大軍追明逃兵江邊駐營也 |未下明兵悉渡錢塘江逃竄我軍追至江邊留屯 初諸大將斷不出此以僕所見順治二年閏六月 我兵勢不能越杭城而屯江渚且近捨在城之 而遠追已渡之逃兵

洛十二字則文甚簡而事已明若從或人之言書 實事則方策藏於內府捷奏布於民間異日必有 記其實宜以郯報為主於艤舟江上以待之下令 本朝之事則順治三年邸報貝勒捷奏是已今欲詳 三年二 **沙不至者三日軍馬宴然人以為天助此元至元十** 本朝事也 額眞土賴等之上增六月初一日江湖連不至博 耶其不足徵信明甚間閱傳記安營浙江沙滸: 一般所書之失者僕年老善忘承足下問謹 一月事非 まじた日本明日 潮

專而致力勤也第仍前謬誤尙宜討論目今所改有 蒙示明初后如諸王傳點竄增損甚善知足下用心 錢塘天塹非岩溪澗之可涉行乃瀕復無潮又有 **走如单大金工**卷工一英雄 軍次黃河苦無舟楫有人導於水淺處行大軍無 億以對惟足下裁擇椿再拜謹白 必不同正未可泥往事以附會其說者也樁又白 為之前驅大兵遂以馬渡此與輟耕錄所記元世 不濟之事相類蒞眞人受命自有休徵不必同亦不 |復舊者僕方欲再觀之館東來索云足下待錄甚 與明史館纂修吳子瑞書

北部生人少人各土 海坝北部大大 急因先附箋以聞誠孝張皇后傳正統七年十月后 **胡皇后傳后善病帝令后上表辭位退居長安官賜** 釋建文君子孫安置鳳陽敕日建庶八等自幼爲前 者即成加詔敕亦稱建文君未有庶人之號也恭讓 **也建庶人者建文帝少于文奎天順實錄元年十月** 號靜慈仙師大臣張輔蹇義夏原吉楊士奇楊榮等 大漸召士奇樂溥士奇言建庶人雖七當修實錄按 正統五年二月楊榮請歸省墓七月還朝卒於杭州 中張后崩樂之卒已三年矣何得與士奇溥並召 所累前人即建文帝明代君臣未有稱為建庶人

年八月太子巡撫陝西十 恭慎聞符長史桂彦良等有禮按實錄洪武二十 矣晉恭王傳太子巡厯燕代及晉與棡昆弟飲甚歡 胡后初崩之諡見正統八年十二月天順七年閏七 狹旬太子行桐送至河南太子令棡入朝歸藩 也張輔夏原吉則始終不言而已今傳不詳其事 蹇義其始再三沮後以以疾辭位之說進者楊士 ニコンラストニニースとは関うとして 月實鐵而天順七年之敕尢明今以為生前賜號非 不差别其人則胡后之廢後世何由而明靜慈 不能爭按胡后之疾託辭耳贊其廢者楊樂順之者 一月自陝西還未巡燕晉 仙師 更り

彦良以洪武十 曹召代王亦不言復虧十月辛酉都督陳質以守大 為庶人成祖即位復賢永樂元年正月還舊封按建 年尚在恭王待之有禮也代簡王傳建文時以罪廢 **言代王得罪四年六月已巳燕王卽位七月壬辰遣** 文元年燕王移檄天下三年上書於帝歷數帝失皆 言罪代王而不言廢為庶人實錄敘建文時事亦止 **恣暴戾獨不記建文時拘囚困苦之辱耶濫桂在建** 同刼制代王伏誅永樂元年二月賜桂書日吾弟縱 **十八年以疾歸二十年十二月卒於家安得二十五** 一年授晉王右傅十三年改左長史

軍時時為燕王草檄燕王即位乞改南土請蘇 何僅 憲章錄諸書見成祖書有拘囚困苦之說因云代 文中與燕王通謀為陳質所制不得自由或有之其 **認即布政司為王邸低甋規制皆無所更按實錄** 州皆不許令自擇建寧重慶荆州東昌權遂出飛 幽 廢 數人偕 有司治馳逍帝大怒權不自安悉屏從兵與老 則未也若廢之燕王書檄決不爲帝諱矣吾學 幽於大同耶其為謬妄明矣寧縣王傳權人 大同夫代王果廢自應如周齊二王置之京師 往南昌称疾臥城樓乞封南昌帝不得 八燕 杭 纑

年六月燕王至京遣人迎權建文帝故閹胡伯顏邀 文元年十月燕王拔大寧之泉及寧王權回北平四 本耶·主文沙·美一一與前史僧長子瑞書 眷同行則權固未當在燕王軍中也八月戊午權遣 之兗州不得達七月庚戌復遣使詔權俟秋凉與官 吾未嘗忘則權在成祖未即位前已乞改封且非止 京師越五日丙辰與谷王癋同宴於華盡殿翼日 乞南土亦未請封蘇州也帝令權自擇建寧重慶荆 州東昌卽在此詔中自是五十五日十月壬子權 **清封杭州帝以畿內不許曰往當許弟自擇封** 命所在有司營權如張氏葬事又五日辛酉詔 國

權奉七月庚戌之詔秋凉與妃同行妃道卒權方經 擅治馳道擅往南昌擅臥城樓要封帝豈不熊讓 明年正月權在京師二月已未之國帝親製詩送之 衛府解舍修理居之亦見於實錄是永樂初改封諸 最高賞賜亦最厚其改封長沙請營官般不許令擇 更安有預往南昌之事成旭即位已嚴馭諸王岷 理喪事何暇出飛旗治馳道又何暇往南昌自是至 楩在國觜酒多言出入不謹帝屢賜書戒之寧王若 **反不得已從其請以封之乎當時諸王中谷王橞** 一西布政司為寧王府是權之改封乃在京時事葢 多かとつく可見られて

文初廢爲庶八流漳州永樂初復王按楩降爲庶 封詔告中外者葢以愚天下甚建文帝之惡非實事 庶人者惟周齊二王湘王柄自焚諡為戾而不革其 是楩未流并未廢且仍王雲南可知葢建文中廢為 事可與計議而行而不言楩自漳反滇亦不言復 之及考洪武三十五年七月癸卯遣都督袁宇鎮雲 流漳州燕王書檄中屢以為言未卽位前實錄亦書 **酹** 那樂元年正月辛卯以周齊代岷四王同復舊 一征甋規制皆無所更不獨 賜楩書曰今遣宇赴雲南整肅兵備鎭撫一 寧王矣岷莊王 一方凡 一傳建

誘之 槵 黃之士女矣豈不失其實乎漢王高煦傳成祖命 也谷王 旭麾葢 亥出使甲子日何以遂下令乙丑入城乎其入城 **云是以成祖之兵為湯武之師橞之開門爲徯后** 出使時成約而何今傳不言出使而但言登城一 至東南朝陽通濟諸門而獨北至江濱之金 使開耳 | 椹傳椹守金川門燕師渡江槵登城望見成 開門迎成祖按橞之開門以出使燕軍 知警按水東 不然燕王頓軍龍潭五日不進及穗 燕

とはいいとことかと、また、東側皮質と子機構 **墡之嫂**也孫后庶子郕王年已二十有二尚未就封 漢王顧趙王目前八失腳後八把骨太孫應擊日更 英宗幼欲召立之楊士奇楊榮沮而止詳見菽園雜 **瞻垮最長且賢衆望頗屬太后命取襄國金符入官** 天壽山為孝陵已誤更改失腳為蹉跌把滑為知警 太孫漢趙二王往視過炒河卻輦步行太子恆失 記土木之變張后崩已久孝恭孫皇后時爲太后瞻 **欲求文而反不成語矣襄憲王傳英宗北狩諸王** 不果召按瞻墡者誠孝張皇后少子宣德末張后以 **有後人把滑哩葢諺語也歴代史此等語頗多今以**

懿文太子將以其為天子父故尊之耶則當為本 列於太祖 召立其叔平此皆僕所云尚宜討論者也漢魏後 日命郕王監國又十八日命即位何當捨其子而 元妃建文帝之生母吕妃則建文帝繼母也建文時 則專傳之與諸 |傳中惟元廚宗裕宗另為| 傳足下倣之以傳 孫紹旭以旁支繼大統者其父雖追尊然仍 王直胡淡于謙陳循皆賢之孫后聞土 下建文帝上可也而足下不敢若猶是 王同傳何異懿敬常妃懿文太

凉國公藍玉太孫外親也燕王以護搆誣之此皆太 子是足下體例未協僕所云宜復舊者也抑此諸傳 文太子之後而虞王兄弟則另為標目同於諸帝之 書王夫八丁姬衛姬例俱入后妃傳中今止附書懿 記りたちにもいうない。 請救高煦天順元年襄憲王請毀壽陵皆實錄所載 能全諱者宜衆考稈史以酌書之宣德四年寧獻 中事有不可不增亦有不可遠删者懿文太子在時 宗實錄中奉旨所書雖其辭隱其旨微而其實有不 熊王覬覦储位晉恭王與太子相睦燕王媒蘖恭王 以亦不可不書成祖為逆高煦實佐其謀建文帝遂

謹白 崩於火舊史高煦傳末宣宗往視高煦高煦伸足勾 宗酷虐且見天道好還為後世牧逆者戒耳而足 諸 才識短淺未能佐足下一二姑述見聞惟足下擇之 之殆非大易餘處餘殃春秋懼亂臣城子意也僕 子皆死葢當在寧王請赦之後舊史存之以著宜 竟所云今為足下畢陳之世傳思質之死由於 仆地帝命積火炭於銅釭覆之火熾銅鎔高煦及 在館與足下言唐荆川王思質事會足下有他務 重與吳子瑞書

其事矣是思質死乃輅所爲於荆川何涉薊鎮兩 年冬思質死而荆川先半載卒於泰州舟中不及見 問思質佝停俸自劾未逮問也五月辛巳輅再劾思 **勠思質并速順天巡撫王輪以下詔謁輪外任草總** 兵官歐陽安졞將高延齡徐枝提調李廷鎮職俱 在嘉靖三十七年九月思質僅降俸二級而已明年 一月把都兒辛愛等自潘家口深入御史王漸方 區軍九萬一千有奇逃亡者三萬三千有奇見守 遂詔逮下獄而荆川在南討倭已逾七月三十九 というとうなった。一直は東土市権が、一方言に対象のはない。 以荆川會劾思質故也今考之實錄荆川之劾 關

邊者五萬七千有奇軍額旣曠練習又疎荆川奉命 是荆川劾思質雖思質子孫不能為思質諱亦不能 兵總尋常套數順之胸中素具甲兵未免求全薊鎮 咎荆川也使思質死果由荆川士與肯以其祖練兵 此葢深爲思質解也思質孫士騏馭倭錄云九邊 **病悸不任事當罷遂下獄論殺僕幼聞鄞縣萬季 鱳思質傳云御史方輅受草都御史鄢懋卿言思質** 為尋常套數反領荆川為胸中素具甲兵也哉李于 **五思質以潘家口之役恐把都見等入冦無已時欲** 閱安敢不奏其劾辭云積弊之極勢不得不出

怨其不先為之地後又不力援故遷怒及之耳不知 罷為民非思質自草而何疏上帝果大怒如懋卿言 帝之指冀息帝之怒末言宜巫罷爲民別選才望代 怒叵測不可劾遂止輅者思質門人年少喜事思質 請歸又不敢念帝素遇已厚有劾罷之者帝未必了 是帝之殺思質雖略所為而實思質之自殺之也傳 從以懋卿同年相契力惡之懋卿云上於邊事嚴喜 屬草付之首言思質失策者三繼言可罪者四以順 **云郸受草懋卿盎懋卿為嚴氏客思質或以草示之** 之夫失策至三可罪至四不請行誅戮而乃言宜死

州兄弟實遣客刺之夫閉口喝六東坡公麟故事 **廠者又云思質縣古畫於分宜期** 只為偽分宜因切齒思質寘之極典又云荆川 而先為此報復哉小人之好議論祗誣先達好 川荆川死在思質前弇州兄弟豈忍揣其父 至文鈔卷之二 川以閉口喝六